

**Broj: UP1-06-13-1-234-2/23**  
**Mostar, 12.12.2023. godine**

Na osnovu člana 42. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 173. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 17. Pravilnika o sticanju statusa kvalifikovanog proizvođača električne energije („Službene novine Federacije BiH“ broj 85/23), postupajući po Zahtjevu za sticanje statusa kvalifikovanog proizvođača broj UP1-06-13-1-234-1/23 od 15.11.2023. godine podnosioca zahtjeva „ART“ d.o.o., Poslovna zona „Ciglana“ broj 20, Jelah, Tešanj zastupanog po zakonskom zastupniku Enisu Artukoviću, Regulatorna komisija za energiju u Federaciji Bosne i Hercegovine – FERK je 12.12.2023. godine na XXVIII redovnoj sjednici donijela sljedeće

### **R J E Š E N J E**

1. Utvrđuje se „ART“ d.o.o., status kvalifikovanog proizvođača električne energije u proizvodnom objektu solarna fotonaponska elektrana „ART-1“.
2. Status kvalifikovanog proizvođača električne energije iz tačke 1. ovog rješenja važi od 12.12.2023. godine do 11.12.2038. godine, te obrazac o statusu kvalifikovanog proizvođača električne energije čini sastavni dio ovog rješenja.
3. Ovo rješenje je konačno, te se objavljuje na službenoj internet stranici FERK-a.

### **O b r a z l o ž e n j e**

Dana 15.11.2023. godine FERK je od podnosioca „ART“ d.o.o. primio Zahtjev za sticanje statusa kvalifikovanog proizvođača pod brojem UP1-06-13-1-234-1/23, u proizvodnom objektu solarna fotonaponska elektrana „ART-1“.

FERK je pregledao podneseni zahtjev u skladu sa članovima 9., 10., 11. i 12., Pravilnika o sticanju statusa kvalifikovanog proizvođača električne energije, te utvrdio kako je isti potpun u smislu člana 13. stav (1) u smislu istog pravilnika.

Na osnovu obrade Zahtjeva za sticanje statusa kvalifikovanog proizvođača električne energije podnosioca „ART“ d.o.o. i dokumentacije priložene uz zahtjev, utvrđeno je da podnosilac zahtjeva ispunjava uslove za sticanje statusa kvalifikovanog proizvođača električne energije iz člana 6. Pravilnika o sticanju statusa kvalifikovanog proizvođača električne energije, u proizvodnom objektu solarna fotonaponska elektrana „ART-1“.

Na osnovu navedenog, odlučeno je kao u dispozitivu ovog rješenja.

### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSEDavajućeg FERK-a**  
**Jasmin Bešo, s.r.**